



## SAMODEKLARACIJA

### O UPRAVLJANJU KVALITETOM

Institut za mjeriteljstvo Bosne i Hercegovine je državni mjeriteljski institut Bosne i Hercegovine koji djeluje kao samostalna upravna organizacija direktno odgovorna Vijeću ministara Bosne i Hercegovine.

U skladu sa relevantnim zakonima iz oblasti mjeriteljstva koje Institut za mjeriteljstvo Bosne i Hercegovine provodi, kao i međunarodnim principima svjetskog mjeriteljskog jedinstva, Institut za mjeriteljstvo Bosne i Hercegovine je uspostavio, održava i neprekidno poboljšava sisteme upravljanja kvalitetom za kompetentnost kalibracionih i ispitnih laboratorija prema zahtjevima standarda BAS EN ISO/IEC 17025. Institut za mjeriteljstvo Bosne i Hercegovine uspostavlja državne etalone za realizaciju mjernih jedinica, koji predstavljaju etalone najvišeg mjeriteljskog kvaliteta u Bosni i Hercegovini i koji služe kao osnova za određivanje vrijednosti drugih etalona, čime se osigurava mjeriteljska sljedivost i diseminacija mjernih jedinica u BiH usklađenih sa Međunarodnim sistemom jedinica (SI). Relevantna legislativa i zahtjevi standarda BAS EN ISO 9001 i BAS EN ISO/IEC 17025, u potpunosti su implementirani u uspostavljene sisteme upravljanja kvalitetom.

Institut za mjeriteljstvo Bosne i Hercegovine je ostvario saradnju sa mjeriteljskim organizacijama na međunarodnom nivou koje djeluju u okviru Konvencije o metru, Evropskom asocijacijom za državne institute (EURAMET - European Association of National Metrology Institutes), Međunarodnom organizacijom za zakonsko mjeriteljstvo (OIML - International Organization of Legal Metrology) i organizacijom za Evropsku saradnju u oblasti zakonskog mjeriteljstva (WELMEC – European Cooperation in Legal Metrology).

Institut za mjeriteljstvo Bosne i Hercegovine je ostvario međunarodno priznanje i svoje kompetencije je potvrdio provođenjem procedure utvrđene od strane Međunarodnog komiteta za tegove i mjere (BIPM), u okviru Ugovora o međusobnom priznavanju državnih etalona i certifikata o kalibraciji i mjerenjima (CIPM MRA - Mutual Recognition Arrangement of the International Committee of Weights and Measures), kojeg je Institut za mjeriteljstvo Bosne i Hercegovine potpisnik (link: <https://www.bipm.org/en/about-us/associates/>). U skladu sa tim kalibracione i mjeriteljske mogućnosti državnih etalona (CMC - Calibration and Measurement Capabilities) potvrđene su kroz BIPM i objavljene u Bazi podataka ključnih poređenja (KCDB). U okviru Ugovora CIPM MRA, svi instituti potpisnici ugovora međusobno priznaju validnost certifikata o kalibraciji i mjerenju za veličine, opsege i mjerne nesigurnosti koje se iskazuju za državne etalone u BIPM KCDB.

Institut za mjeriteljstvo Bosne i Hercegovine je potvrdio svoje kompetencije za kalibracije i ispitivanja u specifičnim oblastima i objavio CMC u KCDB BIPM, koje se održavaju i kontinuirano proširuju (link na CMC: <https://www.bipm.org/kcdb>). Kalibracioni i ispitni certifikati Instituta za mjeriteljstvo Bosne i Hercegovine referencirani na ove podatke nose CIPM MRA logo. U skladu sa pravilima EURAMET, Institut za mjeriteljstvo Bosne i Hercegovine kontinuirano potvrđuje svoj sistem kvaliteta prema zahtjevima standarda EN ISO/IEC 17025 u okviru Tehničkog komiteta za kvalitet EURAMET, putem audita od strane drugih državnih mjeriteljskih instituta članova EURAMET (Peer Review) i kontinuirano učestvuje u interkomparacijama regionalnih mjeriteljskih organizacija.

Sarajevo, 01.09.2023.



DIREKTOR

Mitica Ristović Krstić, mr